

Reg. XII, 9, ubi dicitur : *Mittebant in eo (gazophylacio) sacerdotes, qui custodiebant ostia, omnem pecuniam quae deferebatur ad templum Domini.* Deinde dum pecunia effundebatur et numerabatur, praesens quidem erat scriba regis ad omnem fraudem caven-
dam; sed eamdem dederunt rex (non per seipsum, sed per eum quem primus sacerdos constituerat) et Joada his qui praeerant operibus domus Domini, ut dicitur hic §. 11 et 12. Unde prohibiti quidem sunt sacerdotes accipere pecuniam discurrando per terram Iuda, eamque colligendo; sed non sunt prohibiti eamdem pecuniam ad ostium tabernaculi accipere, et ad commune depositum deferre, numerare, et in usum fabrice expendere; adeoque jus eorum suffi-
cienter salvatum est.

Obj. III. Joas equidem jurisdictionem exercuit in sacerdotes, privando eos parte officii ipsis commissi. Atqui illicitum est regibus jurisdictionem in sacerdo-
tes exercere; ergo in eo peccavit.

R. hoc non esse illicitum regibus, quando propter rationalem causam fit de consensu vel consilio summi pontificis, prout hic factum esse supra monstra-
tum est.

Obj. IV. Joas non jussit in templum inferri vasa, quae abstulerat, et in sanum Baal inferri jusserset Athalia; sed jussit confici nova; ergo faciendo superfluos istos sumptus, non utiliter expendit thesauros sanctuariorum.

R. neg. conseq. Quia aliqua recipere non potuit, puta, quae in privatos usus converterat Athalia, vel in cultum Baal ita immutari jusserset, ut domui Domini jam essent inepta. Alia vero ipsi recipere non licuit; quia aurum et argentum, ex quibus facta fuerant idola, certissime erant comburenda, et perpetuae abominationi devovenda, ut praecipitur Deuter. VII.

CAPUT XXV.

Joas succedit filius Amasias, qui in initio regni fecit bonum in conspectu Domini; sed Victoria de Idumaeis reportata elatus, turpiter ad devictorum idololatriam deflexit.

QUESTIO PRIMA. — AN AMASIAS JUSTE OCCIDERIT INTER-
FECTORES PATRIS SUI.

Resp. affirmative. Nam ad justam occisionem tantum requiritur legitima potestas in occidente, et crimen morte dignum, atque probatum in occiden-
dis. Atqui in rege Amasia erat potestas legitima, et crimen probatum in istis interfectoribus; ergo, etc.

Justitiam vero hujus facti insinuat Scriptura di-
cens §. 4: *Sed filios eorum non interfecit, ne scilicet occidendo innocentes, in legem impingeret prohiben-
tem Deuter. XXIV, ne pro patribus filii, paternae iniquitatis non participes, occidantur.* Ac proinde si hic fuisse periculum impingendi in legem, nec occi-
sisset patres, cum de eo in initio regni dicatur hic
§. 2: *Fecitque bonum in conspectu Domini.*

Obj. I. Verbis citatis mox additur: *Verumtamen non in corde perfecto.* Ergo quamvis dicatur fuisse bonus, potuit tamen in hoc facto fuisse injustus.

R. neg. conseq. Nam Scriptura illud minus perfec-
tum non refundit in commissam aliquam injus-
tiatam, sed in minorem religionis verum: ait enim IV
Reg. XIV, 4: *Nisi hoc tantum quod excelsa non abs-
tulit; adhuc enim populus immolabat in excelsis.* Prae-
terea ibidem, §. 3, Scriptura dixerat: *Juxta omnia
quae fecit Joas pater suus, fecit.* Atqui Joas, dum erat
bonus, neminem injuste occidit; ergo nec filius ejus
Amasias occisores sui patris injuste praecipit ju-
gulari.

Obj. II. Si illi interfectores Joæ fuissent rei mortis, potuissent et debuissent occidi ab initio regni Amasiae. Atqui non occidit eos in initio regni sui, sed cum roboratum sibi videret imperium, ut dicitur hic §. 3; ergo, etc.

R. neg. maj. Nam quod eos in initio regni sui non occiderit, contigit defectu virium, vel sufficientis securitatis, non vero defectu legitimæ vel sufficientis potestatis. Unde ab initio quidem rei erant mortis; sed executionem hanc prudenter distulit Amasias, donec roboratum sibi videret imperium: quia occiso-
res illi videntur fuisse viri non ignobiles, sed revera potentes; tum quia dicuntur surrexisse contra Joam in ultionem sanguinis filii Iohadæ sacerdotis, ut dicitur cap. præced., §. 25; tum quia accessum habue-
runt ad lectum regis, ut patet ibidem; tum quia post tam atrox et nefarium scelus non aufugerunt. Po-
tentiam igitur eorum in initio regni sui merito timere poterat Amasias, justamque vindictam tantisper dif-
fere.

Obj. III. Sacrilegio et tyrannice Joas jussit lapidari Zachariam filium Iohadæ. Atqui in ultionem sanguinis hujus innocentis illi servi Joam occiderunt; ergo ultio hæc fuit justissima, ac proinde propter istam occisionem mortem non merebantur.

R. disting. conseq. Ergo ultio hæc fuit justissima ex parte Dei, volentis per eamdem punire regem Joam, quia innocentem sacerdotem jusserset lapidari; concedo: ultio hæc fuit justissima ex parte eorum qui necem intulerunt regi; nego consequentiam. Ratio autem negare consequentiam est quod interfectores Joæ non habuerint legitimam auctoritatem ipsum occidendi, quamvis revera reus esset mortis. Itaque in similibus casibus accurate secernenda sunt judicia Dei, et executiones hominum. Justo Dei iudicio quis morti addici potest, cujus tamen executio non sit sine culpa maxima. Nam Deus per malos, jam ad nocendum paratos, et in executione peccantes, justissimam suam sæpe exequitur voluntatem.

Obj. IV. Interfectores illi scire poterant, ex impre-
catione vel predicatione morientis Zachariæ cap.
præced., §. 22: *Videat Dominus, et requirat, quod Deus vellet occidi Joam in vindictam effusi sanguinis innocentis;* ergo hanc voluntatem Dei exequendo non videntur facti in ipsis rei.

R. Translati antecedente, neg. conseq. Quia istam equidem voluntatis sua executionem Deus ipsis non demandaverat, adeoque auctoritatem occidendi regem non habebant. Sic quamvis Saul scire potuerit quod

prophetice esset dictum ad Heli I Reg. II, 33: *Pars magna domus tuæ morietur, cum ad virilem ætatem ve-
nerit, peccavit tamen occidendo sacerdotes posteros* Heli, ibidem, cap. XXII: quia non habebat divinum mandatum exequendi id quod prædictum erat, sed privato affectu idipsum attentavit.

QUESTIO II. — AN AMASIAS VIXERIT QUINDECIM PRÆCISE
ANNIS POST MORTEM JOÆ REGIS ISRAEL.

Prob. affirmative. Prob. I. Quia hic §. 25, et IV
Reg. XIV, 17, dicitur: *Vixit autem Amasias, filius
Joæ, rex Iuda, postquam mortuus est Joas filius Joa-
chaz, rex Israel, quindecim annis.*

Prob. II. Quia hic §. 1, et IV Reg. XIV, 2, dicitur:
*Viginti quinque annorum erat (Amasias) cum regnare
cepisset: et viginti novem annis regnavit in Jerusalem.* Et ibidem §. 1 dicitur: *In anno secundo Joas filius
Joaachaz regis Israel regnavit Amasias filius Joas regis
Iuda. Atqui IV Reg. XIII, 10: *Regnavit Joas filius
Joaachaz super Israel in Samaria sexdecim annis.* Ergo
regnavit Amasias rex Iuda cum Joa rege Israel 14
annis. Jam vero totum regnum Amasias fuit 29 annorum, et consequenter post Joam regem Israel regnavit 15 annis.*

Obj. I. In antiquis editionibus latinis, IV Reg. XIV,
17, post mortem Joæ tribuuntur Amasias viginti quinque anni.

R. fuisse errorem typographorum, cum hebreæ, chaldeæ et græca habeant: *Quindecim.* Unde et S. Hieron., qui Vetus Testamentum ex hebreo in latinum transtulit, primitus non nisi quindecim annos pos-
suise censendus est. Optime igitur correctum est per Clem. VIII quod ante in omnibus pene Vul-
gate libris legebatur: *Viginti quinque annis,* inquit R. P. Bukekop.

Inst. Similes errores non sunt admittendi, dum ali-
ter apparet antilogia possunt conciliari: atqui hoc videtur hic posse fieri; ergo.

Prob. min. Quia juxta Lyrnam et alios Amasias fuit decem annis profugus in Lachis, antequam a ser-
vis suis occideretur; quibus additis viginti novem in Scriptura expressis, regnavit absolute annis trigesima novem. Porro computando istos decem annos IV
Reg. XIV, revera post mortem Joæ vixit Amasias viginti quinque annis: decem vero his omissis, recte hic dicitur post mortem Joæ vixisse tantum quindecim annis.

R. neg. min., et ad probationem dico, Glossam illam esse infundatam: 1. quia hebraicus et hodie-
nus latinus nequaquam variant; sed tum hic, tum IV Reg. XIV nec nisi quindecim annos ponunt; 2.

juxta lib. IV Reg., cap XIV, 19: *Facta est contra eum (Amasiam) conjuratio in Jerusalem: at ille fugit in La-
chis. Misericordia post eum in Lachis, et interficerunt
eum ibi.* Jam vero illud verbum *misericordia* significat quod immediate miserint, ut in similibus casibus fieri solet; ergo nulla veri specie dici potest quod Amasias fuerit decem annis profugus in Lachis, antequam a servis suis occideretur.

Obj. II. Anno vigesimo septimo Jeroboam regis Israel regnavit Azarias filius Amaziae regis Iuda, IV Reg. XV, 1. Atqui Jeroboam rex Israel regnavit post patrem suum Joam, qui juxta computum nostrum mortuus est anno Amasias decimo quarto; ergo ad minus vixit Amasias post mortem Joæ viginti sex annis.

Prob. conseq., quia inter Amasiam et Azariam nullus fuit medius; atqui Azarias coepit regnare anno 27 Jeroboam regis Israel; ergo Amasias usque ad eundem annum Jeroboami vixit, et consequenter vixit post mortem Joæ regis Israel 26 annis.

R. neg. conseq., et dico cum Cajetano, Saliano, A Lapide et aliis, annum hunc 27 Jeroboami computatum esse ab eo tempore quo Jeroboam regnare coepit cum suo patre Joa, 12 scilicet annis completis ante mortem patris; nam regni, quod ipse solus post patrem obtinuit, erat tantum annus 14 Jeroboami: quo eodem anno moriens Amasias, anno nempe regni sui 29, successorem reliquit Azariam filium. Mor-
tuus est ergo Amasias anno 14 finiente, et inchoante 15 Jeroboami, qui patri Joas immediate successerat. Ratio hujus solutionis est, ne positis interregnis, de quibus non constat, correctioris chronologiae series continua turbetur.

Obj. III. Anno trigesimo octavo Azaria regis Iuda, regnavit Zacharias filius Jeroboam super Israel in Sa-
maria sex mensibus; IV Reg. XV, 8. Atqui illa non possunt conciliari cum responsione mox data; ergo.

Prob. min. juxta illum computum, moriente Amasias rege Iuda, Jeroboam rex Israel tantum regnava-
rat annis 14. Atqui in toto tantum regnavit Jeroboam filius Joas regis Israel..... quadraginta et uno
anno; IV Reg. XIV, 23. Ergo debet esse mortuus sub annum Azaria regis Iuda vigesimum septimum: ex quo ulterius sequi videtur, juxta responsionem supra datam, quod Zacharias filius Jeroboam regis Israel regnare incepit anno vigesimo septimo Azaria regis Iuda, et non anno trigesimo octavo.

R. neg. ultimam sequelam: quia inter Jeroboam regem Israel et Zachariam filium ejus fuit inter-
regnum undecim, aut undecim et mediis annorum.

Ratio hujus asserti est quia vel junior erat mortuo patre Zacharias, vel potius quia mortuo Jeroboam omnia in præceptis rubebat: nam prædicterat Amos, cap. VII, 11: *In gladio morietur Jeroboam, et Israel captivus migrabit de terra sua.* Item cap. VIII, 2: *Venit finis super populum meum Israel.* Et iterum ibidem §. 12: *Commovet bunt a mari usque ad mare, et ab aquiloni usque ad meridiem.*

Porro prophetæ hujus veritatem immediate post Jeroboam docuit exitialis eventus, et misera sors regum Israel. Imprimis enim post inchoatum interregni annum duodecimum, IV Reg. XV, 8, Zacharias regnavit 6 mensibus, percussitque eum Sellum, et regnavit pro eo. Hic vero Sellum regnavit uno mense in Samaria, et interfecit eum Manahem, regnauitque pro eo, etc.

Interregno autem hoc supposito, omnia verifican-

tur hoc modo : Azarias rex Juda cœpit regnare sub anno decimum quintum Jeroboam regis Israel, et cum eo regnavit annis 26 ; deinde interregnum in Israel fuit usque ad annum duodecimum post mortem Jeroboam, qui erat annus trigesimus octavus regni Azariae, et quo patri Jeroboam successit Zacharias rex Israel.

Inst. I. Jeroboam rex Israel tantum regnavit 41 annis, IV Reg. XIV, 23. Atqui juxta hanc responsionem regnasset annis 55 ; ergo.

Prob. min. Ante Azariam regem Juda regnavit annis viginti septem, ut supra ostensum est, et cum Azaria annis viginti sex, qui simul faciunt annos quinquaginta tres.

R. disting. min. Regnasset annis 55, computando 12 annos, quibus regnavit cum patre; concedo : illis non computatis ; nego minorem.

Inst. II. Non sunt adstruenda interregna sine evidenti ratione. Atqui successio Zachariae, IV Reg. XV, 8, ab aliquibus commode explicatur sine interregno ; ergo.

Prob. min. Tantum supponi debet quod Azarias a patre fuerit assumptus regni socius anno 18 Amasie : tunc enim ante mortem patris sui regnavit Azarias annis 11 ; deinde mortuo Amasia, erat annus decimus quintus inchoatus, quo solus regnabat Jeroboam rex Israel. Jam vero post mortem Amasie usque ad quadragesimum primum Jeroboami annum, adhuc reperiuntur 26 anni completi, et vigesimus septimus inchoatus ; ergo Azarias, vivente patre suo Amasia, regnavit 11 annis cum Jeroboamo, et post mortem patris cum eodem Jeroboamo 27 annis inchoatus. Jam vero 11 et 27 faciunt 38 annos regni Azariae ; ergo sine interregno commode explicatur, quod Zacharias filius Jeroboam obtinuerit regnum Israel anno trigesimo octavo Azariae regis Juda.

R. neg. ant. et min. probationis. Ad textum autem Scripturæ dico quod annus vigesimus tertius Joæ regis Juda tantum esset inchoatus, adeoque tantum erant 22 anni integri : deinde Joachaz moriens etiam tantum inchoaverat annum regni sui decimum septimum ; adeoque hic simul tantum erant 38 anni completi, et trigesimus nonus inchoatus, quando mortuo patre solus regnare cœpisset Joas rex Israel, qui proinde regnavit cum Joa rege Juda anno trigesimo nono et quadragesimo ; sicut mortuo patre, Amasias rex Juda regnare cœpisset anno secundo Joæ regis Israel.

R. neg. min. ejusque probationem : quia in isto supposito Azarias a patre Amasia fuissest in regni socium assumptus anno ætatis sue ad summum sexto : nam hic cap. XXVI, 1, occiso in Lachis Amasia, Omnis populus Juda filium ejus Oziam annorum sexdecim, constituit regem pro Amasia patre suo. Ergo si cum patre jam regnasset 11 annis, ad summum agebat annum ætatis sextum, dum regni paterni socius designatus est, quod prorsus incredibile et nusquam practicatum legitur.

Inst. III. Joas, supra, cap. XXIV, rex inaugurus est anno ætatis sue septimo ; ergo suppositum illud non est prorsus incredibile.

R. disparitatem esse, quod Joas inauguratus fuerit vacante regno ; at Azarias, existens ad summum 6 annorum, in regni socium assumptus fuissest vivente patre, quod nusquam practicatum putamus.

Obj. IV. Anno trigesimo septimo Joas regis Juda regnavit Joas filius Joachaz super Israel in Samaria secundum annis. Ergo Amasias post mortem Joæ regis Israel vixit ad minus 17 annis.

Prob. conseq. Joas rex Israel tantum regnavit 16 annis, scilicet cum Joa rege Juda (qui regnavit 40)

et 12 cum Amasia : atqui Amasias 29 annis regnavit ; ergo juxta textum allatum post mortem Joæ regis Israel regnavit 17 annis.

R. Neg. conseq., et ad probationem distinguo maj. Joas rex Israel tantum regnavit 16 annis solus, concedo : computatis 2 annis, quibus regnavit cum patre suo Joachaz ; nego maj. et conseq. Regnavit ergo Joas rex Israel cum patre suo ab anno trigesimo septimo usque ad annum trigesimum nonum Joæ regis Juda ; deinde mortuo patre, cum eodem Joa solus regnavit 2 annis, et denique cum Amasia 14 annis ; adeoque solus regnavit 16 annis, et 2 cum patre, seu simul 18.

Obj. V. Amasias et Joas rex Israel uno eodemque anno regnum obtinuisse videntur ; ergo ad summum tredecim annis post Joam vixit Amasias.

Prob. ant. Uterque immediate successit patri suo. Atqui patres eorum uno eodemque anno mortui sunt ; ergo.

Prob. min. Joas rex Juda tantum regnavit quadragesima annis. Atqui Joachaz, pater Joæ regis Israel, incœpit regnare anno vigesimo tertio Joas regis Juda, et regnavit in Samaria decem et septem annis, IV Reg. XIII, 1. Ergo patres eorum uno eodemque anno mortui sunt ; cum 23 et 17 faciant 40.

R. neg. ant. et min. probationis. Ad textum autem Scripturæ dico quod annus vigesimus tertius Joæ regis Juda tantum esset inchoatus, adeoque tantum erant 22 anni integri : deinde Joachaz moriens etiam tantum inchoaverat annum regni sui decimum septimum ; ergo Azarias, vivente patre suo Amasia, regnavit 11 annis cum Jeroboamo, et post mortem patris cum eodem Jeroboamo 27 annis inchoatus. Jam vero 11 et 27 faciunt 38 annos regni Azariae ; ergo sine interregno commode explicatur, quod Zacharias filius Jeroboam obtinuerit regnum Israel anno trigesimo octavo Azariae regis Juda.

Amasias succedit Ozias filius, qui de pluribus hostibus triumphans, et in superbiam elatus, præsumit adolere incensum Domino ; et idcirco lepra percuditur usque ad diem mortis sue, ejusque loco regnum administrat Joachaz ejus filius.

QUÆSTIO PRIMA. — QUOTO ANNO REGNI OZIAS LEPROCUSSUS SIT.

Vers. 5 : Et exquisivit (Ozias) Dominum in diebus Zacharie intelligentis et videntis Deum : id est, experti et periti in visionibus propheticis et divinis. Hunc prophetam aliqui putant fuisse filium alterius Zachariae, quem impius rex Joas lapidari jussit in templo, supra, cap. XXIV, 21. Hic dum vixit, regique Ozias familiaris fuit, illum in officio continuit : ubi vita excessit, etiam Ozias a recto deflexit.

Obj. 4. Non est tui officii, Ozias, ut adoleas incensum Domino, sed sacerdotum. Hic locus, ait Estius, merito notandum est contra eos qui adulatore permiscent officium sacerdotis cum officio principis, dicentes unumquemque principem in ditione sua pro arbitrio posse disponere de religione et cultu divino, ejusque

cæremoniis. Sed hic contrarium liquet : nam aperte distinguitur officium sacerdotum et officium regis, et dicitur quod offerre incensum seu thymiana, ac proinde alia quæ religionis sunt curare, ad ejus officium non spectent ; ac per consequens non possit ex auctoritate se rebus sacris immiscere, sed tanquam filius Ecclesiae, eidem et Deo subservire. Ita Estius.

¶ 19 : Statimque orta est lepra in fronte ejus coram sacerdotibus. Inter varias interpretum et chronologorum opiniones admodum probabilis videatur sententia Abulensis, Salianni, Paludani nostri, et aliorum, arbitrantium pœnam hanc non nisi ultimis vitæ annis Ozias fuisse inflictam.

Prob. I. Quia ex eo tempore quo Ozias fuit leprosus, cœpisset Joatham filius ejus regere palatum regale, et judicare populum terræ ; ut patet ex IV Reg. XV, 5, ubi percusso, et a multitudine separato Ozia, subditur : Joatham vero filius regis gubernabat palatum, et judicabat populum terræ. Adeoque jam erat aliqualis ætatis, puta 20 annorum. Jam vero Joatham erat 25 annorum, cum regnare cœpisset, ut dicitur IV Reg. XV, 5, et hic cap. seq., ¶ 4 ; ergo ad summum 4 vel 5 annis vixit Ozias, postquam lepra percussus est.

Prob. II. Quia, ut ex hoc capite liquet, bella plurima movit Ozias, insignesque adeo retulit victorias, et in aliis ita magnificatus est, ut præter Davidem nullus ei potuerit æquari. Atqui haec facere non potuit in minori ætate, nec fecit post immissam lepram ; ergo multo eguit tempore ætatis intermediae, ut haec omnia ageret ; et consequenter non nisi ultimis vitæ annis lepra percussus est.

SOLVUNTUR ARGUMENTA. — Obj. I. Ozias lepra percussus est vivente adhuc Jeroboamo. Atqui Jeroboam, juxta dicta cap. præced. Quæst. II, mortuus est anno regni Ozias vigesimo septimo ; ergo ad minus 26 annis ante mortem lepra percussus est Ozias.

Prob. maj. Quia terra motus, de quo Amos, cap. I, 1, factus est vivente Jeroboamo, vel saltem paulo post mortem ejus, cum inceperit Amos prophetare in diebus Jeroboami filii Joas regis Israel, ante duos annos terræ motus : Atqui eodem tempore, quo accidit ille terræ motus, lepra percussus est Ozias ; ergo percussus est vivente adhuc Jeroboamo, vel paulo post mortem ejus.

R. neg. maj. et conseq. Cujus falsitas vel ex eo patet, quod moriente Jeroboamo, nondum natus esset Joatham filius Ozias ; cum hic moriente patre tantum attigisset annum vigesimum quintum, et in isto supposito leprosus, et ab hominum consortio separatus fuissest Ozias per annos 26. Deinde moriens Ozias erat annorum 68 (anno enim ætatis decimo sexto regnum obtinuit, et 52 annis regnavit), et tunc filius Joatham attigerat annum ætatis sue vigesimum quintum, adeoque natus est anno sui patris quadragesimo tertio. Atqui ad summum Jeroboam vixit usque ad eundem annum ætatis Ozias quadragesimum tertium ; ergo vivente Jeroboamo non potuit esse lepra percussus Ozias, et multo minus filius ejus Joatham,

vix aut ne vix natus, regnum administrare. Unde ad probationem, concessa maiore, minor omnino neganda videtur.

Recte ergo quidem hunc terræ motum plurimi post Hebreos asserunt contigisse sub annum regni Ozias vigesimum septimum ; sed male eodem anno Oziam lepra percussum fuisse contendunt.

Inst. I. Josephus, lib. IX, Antiq., cap. 11, asserit ob fastum Ozias, victoriis elati, tres ipsi plagas fuisse immissas. Prima fuit hic terræ motus, secunda vi-tium lepræ, tertia repulsio medii montis collocati in loco qui dicebatur Erogen.

R. quod vel illæ plagæ successive tantum immissæ dici debeant, puta terræ motus anno regni ejus vigesimo septimo, percusso lepræ anno quadragesimo septimo ; vel quod a sententia Josephi discedere nos cogat Scriptura, dicens quod pro patre leproso regnum administraverit filius ejus Joatham.

Inst. II. Dici potest quod Joatham eodem anno 27 regni patris administraverit regnum per optimates, sicut factum est in septenni rege Jea.

R. hanc explicationem videri nimis contortam, nec esse paritatem in expressione textuum : nam dum de Joa dicitur, supra, cap. XIV, 1 : Septem annorum erat cum regnare cœpisset, satis intelligitur, quod non regnaverit nisi per optimates. Hic autem ¶ 21 alia phrasa dicitur : Joatham... rex domum regis, et judicabat populum terræ, quod ipsam Joathami personam appellare videtur. Deinde si per optimates fuerit regnum administratum, potius dieendum fuissest, quod Ozias regnum administraret, etc. Nam potius leproso regi, qui ex divina misericordia sanari poterat, hoc magis convenit quam infanti adhuc in cunis videnti.

Obj. II. Non videtur alia ratio assignabilis, cur Deus præfatum terræ motum immisserit, nisi ob attentatam Ozias temeritatem ; ergo quando contigit iste terræ motus, jam erat lepra percussus.

R. neg. ant. Potuit enim Deus immittere istum motum ante attentatum sacrilegium, ut victoriis tumidum et insolecentem Oziam ab attentando hoc sacrilegio alius peccatis deterret.

Obj. III. Textus sacer hic insinuare videtur, quod citius percussus fuerit Ozias, diutiusque leprosus, quam 4 vel 5 annis ; nam ¶ 16 dicitur : Cum roburratus esset, elevatum est cor ejus in interitum suum, et neglexit Dominum Deum suum : ingressusque templum Domini, adolere voluit incensum super altare thymianatis. Et ¶ 21 subditur : Fuit igitur Ozias rex leprosus usque ad diem mortis sue, et habitavit in domo separata plenus lepra, ob quam ejectus fuerat de domo Domini. Atqui cor ejus elevatum fuit propter ingentes victorias quas reportasse videtur primis 25 annis : et illa verba usque ad diem mortis sue, item habitavit, et ejectus fuerat, emphaticè singularem pœnam significant ; ergo diutina fuit ejus pœna, et separatio.

R. neg. assumpt., et ad minorem dico, quod licet gratis daretur omnes illas victorias ab Ozia esse re-